



ს ა ქ ა რ თ ვ ე ლ ო ლანჩხუთის მუნიციპალიტეტის მერია



წერილის ნომერი: 30-302521054
თარიღი: 29/07/2025

ადრესატი: ლანჩხუთის მუნიციპალიტეტის საკრებულო

ლანჩხუთის მუნიციპალიტეტის საკრებულოს თავმჯდომარეს ბატონ ბესიკ ტაბიძეს

ბატონო ბესიკ,

დასამტკიცებლად წარმოგიდგენთ „ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების რეგულირების შესახებ“ ლანჩხუთის მუნიციპალიტეტის საკრებულოს განკარგულების პროექტს.

როგორც მოგეხსენებათ, საქართველოს ორგანული კანონის „საქართველოს საარჩევნო კოდექსი“-ს 46-ე მუხლის შესაბამისად, მუნიციპალიტეტის ორგანოები ვალდებული არიან განსაზღვრონ იმ შენობა-ნაგებობების ჩამონათვალი, რომლებზედაც სააგიტაციო მასალის განთავსება აკრძალულია და განსაზღვრონ ადგილები ან/და დადგან სტენდები სააგიტაციო მასალის გასაკრავად და გამოსაფენად. შესაბამისი ინფორმაცია კი გამოქვეყნებული უნდა იქნეს არჩევნების დანიშნებიდან არაუგვიანეს 10 დღისა.

ხსენებული 46-ე მუხლის მე-2 პუნქტით განსაზღვრულია ის ობიექტები, რომლებზეც სააგიტაციო მასალის განთავსება აკრძალულია. მერიის მიერ განისაზღვრა ის ობიექტები, რომლებზეც სააგიტაციო მასალის გაკვრაა შესაძლებელი.

პროექტის განხილვისას მომხსენებლად წარმოგიდგენთ მერიის ქონების მართვისა და სოფლის მეურნეობის სამსახურის ქონების მართვისა და სოფლის მეურნეობის განყოფილების უფროსის, ვარდენ კვაჭაძის კანდიდატურას.

ვინაიდან ინფორმაციის გამოსაქვეყნებლად განსაზღვრულია კონკრეტული შემჭიდროვებული ვადა, გთხოვთ პროექტი განიხილოთ ჩვენს მიერ მ/წლის 29 ივლისის N30-30252105 მომართვით ინიცირებულ საკრებულოს რიგგარეშე სხდომაზე.

პატივისცემით,

ალექსანდრე სარიშვილი

ლანჩხუთის მუნიციპალიტეტის მერია-ლანჩხუთის
მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი



ლანჩხუთის მუნიციპალიტეტის საკრებულოს
განკარგულება №
2025 წლის აგვისტო
ქ. ლანჩხუთი

ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების
რეგულირების შესახებ

საქართველოს ორგანული კანონის „ადგილობრივი თვითმმართველობის კოდექსი“ 61-ე მუხლის პირველი და მეორე ნაწილებისა და საქართველოს ორგანული კანონის „საქართველოს საარჩევნო კოდექსი“ 46-ე მუხლის შესაბამისად,

მუხლი 1. გამოიყოს ლანჩხუთის მუნიციპალიტეტის ტერიტორიაზე საარჩევნო სააგიტაციო მასალების განთავსების ადგილები დანართის შესაბამისად.

მუხლი 2. ამ განკარგულების 1-ლი მუხლით დამტკიცებული დანართით განსაზღვრული ლანჩხუთის მუნიციპალიტეტის საკუთრებაში არსებული ობიექტების გარდა საარჩევნო სააგიტაციო მასალები შეიძლება გამოიფინოს სხვა ობიექტებზე მათი მესაკუთრეების ან მფლობელების თანხმობის შემთხვევაში.

მუხლი 3. საარჩევნო სააგიტაციო მასალების განთავსება/გაკვრა აკრძალულია ლანჩხუთის მუნიციპალიტეტის ტერიტორიაზე მდებარე: ბაგა ბაღების შენობა-ნაგებობებზე, საკულტო ნაგებობებზე, კულტურული მემკვიდრეობის შენობა-ნაგებობებზე, სახელმწიფო ხელისუფლებისა და ადგილობრივი თვითმმართველობის ორგანოს შენობების ინტერიერსა და ექსტერიერში, ა(ა)იპ-ების შენობა-ნაგებობებზე, საგზაო ნიშნებზე.

მუხლი 4.

1. ამ განკარგულების 1-ლი მუხლით დამტკიცებული დანართით გათვალისწინებულ ადგილებში საარჩევნო სუბიექტებმა უზრუნველყონ საკუთარი სააგიტაციო მასალების გამოკვრა და გამოფენა იმ ფორმით, რომ დაცული იქნეს წინასაარჩევნო კამპანიაში (აგიტაციაში) მონაწილე ყველა საარჩევნო სუბიექტის თანაბარი შესაძლებლობა ისარგებლოს სააგიტაციო მასალის გასაკრავად და გამოსაფენად განკუთვნილი ადგილებით.

2. ამ განკარგულების 1-ლი მუხლით დამტკიცებული დანართით გათვალისწინებულ ადგილებში, საარჩევნო სუბიექტის მიერ გასაკრავი საარჩევნო პლაკატების მაქსიმალური რაოდენობა დგინდება შესაბამისი ადგილის ფართობის გათვალისწინებით.

3. ამ განკარგულების 1-ლი მუხლით დამტკიცებული დანართით გათვალისწინებულ ადგილებში საარჩევნო სუბიექტს უფლება აქვს გააკრას საარჩევნო პლაკატი შემდეგი ზომებით: სიგრძე არა უმეტეს 60 სმ, სიგანე არაუმეტეს 42 სმ (A2 ფორმატი).

4. ამ მუხლის პირველი, მე-2 და მე-3 პუნქტების გათვალისწინებით:

ა). სკვერში არსებულ მწვანე ნარგავებზე თითოეულ საარჩევნო სუბიექტს უფლება აქვს გააკრას ერთი პლაკატი ერთ ნარგავზე;

ბ). გარე განათების ბოძზე თითოეულ საარჩევნო სუბიექტს უფლება აქვს გააკრას ერთი პლაკატი;

გ). მოსაცდელზე თითოეულ საარჩევნო სუბიექტს უფლება აქვს გააკრას არაუმეტეს ორი ცალი პლაკატი.

მუხლი 5. დაევალოს ლანჩხუთის მუნიციპალიტეტის საკრებულოს აპარატს, საარჩევნო სააგიტაციო მასალების განთავსებისთვის გამოყოფილი ადგილების თაობაზე ინფორმაცია გამოაქვეყნოს კანონმდებლობით დადგენილი წესით.

მუხლი 6. განკარგულება შეიძლება გასაჩივრდეს ოზურგეთის რაიონულ სასამართლოში, მისამართზე, ქ. ოზურგეთი, ი. სიორიძის ქ. N26 მისი ამოქმედებიდან ერთი თვის ვადაში საქართველოს კანონის „საქართველოს ადმინისტრაციული საპროცესო კოდექსი“ მე-8 თავის 22-ე მუხლის მე-3 ნაწილის შესაბამისად.

მუხლი 7. განკარგულება ძალაშია გამოქვეყნებისთანავე.

საკრებულოს თავმჯდომარე

ბესიკ ტაბიძე

დანართი

ლანჩხუთის მუნიციპალიტეტის ტერიტორიაზე საარჩევნო პლაკატების გასაკრავი და
გამოსაფენი ადგილები.

N	მისამართი	დანიშნულება	საკადასტრო კოდი	შენიშვნა
1	ქ. ლანჩხუთი, ჟორდანიას ქ. (თეატრიდან,საკადასტრო კოდამდე 27.06.56.019)	სკვერი	27.06.56.014	
2	ქ. ლანჩხუთი, ჟორდანიას ქ. (ჟორდანიას და კვირკველიას ქ. კვეთა)	სკვერი	27.06.51.029	
3	ქ. ლანჩხუთი, ჟორდანიას ქ. (სუპერმარკეტ „ლიბრესა“ და „მარგის“ წინ)	სკვერი	27.06.51.010	
4	ქ. ლანჩხუთი, ჟორდანიას ქ. (კვირკველიას 16 გ) (ჟორდანიას და კვირკველიას ქ. კვეთა)	სკვერი	27.06.51.282	
5	ქ. ლანჩხუთი, ჟორდანიას ქ. (ცენტრალური სკვერი)	სკვერი	27.06.56.856	
6	ქ. ლანჩხუთი, ჟორდანიას ქ. (მერიის წინ მდებარე სკვერი)	სკვერი	27.06.52.008	
7	ქ. ლანჩხუთი, ჟორდანიას ქ. (ყოფილი „უნივერმალის“ მიმდებარედ)	სკვერი	27.06.51.394	
8	გვიმბალაური (ბენზინგასამართ სადგურ „სოკარის“ მიმდებარედ)	სკვერი	27.08.47.006	
9	შუხუთი (ყოფილი კულტურის სახლის მიმდებარედ)	სკვერი	27.05.46.023	

10	ჩიბათი (საჯარო სკოლის პირდაპირ)	სკვერი	27.09.50.011	
11	მამათის ადმინისტრაციული ერთეული	მოსაცდელები		
12	აცანის ადმინისტრაციული ერთეული	მოსაცდელები		
13	აკეთის ადმინისტრაციული ერთეული	მოსაცდელები		
14	ნიგოითის ადმინისტრაციული ერთეული	მოსაცდელები		
15	შუხუთის ადმინისტრაციული ერთეული	მოსაცდელები		
16	მაჩხვარეთის ადმინისტრაციული ერთეული	მოსაცდელები		
17	გვიმზალაურის ადმინისტრაციული ერთეული	მოსაცდელები		
18	ჩიბათის ადმინისტრაციული	მოსაცდელი		

	ერთეული			
19	ლესის ადმინისტრაციული ერთეული	მოსაცდელები		
20	ჯურუყვეთის ადმინისტრაციული ერთეული	მოსაცდელები		
21	ნინოშვილის ადმინისტრაციული ერთეული	მოსაცდელები		
22	ჩოჩხათის ადმინისტრაციული ერთეული	მოსაცდელები		
23	ნიგვზიანის ადმინისტრაციული ერთეული	მოსაცდელები		
24	სუფსის ადმინისტრაციული ერთეული	მოსაცდელები		
25	ღრმაღელის ადმინისტრაციული ერთეული	მოსაცდელები		
26	ლანჩხუთის მუნიციპალიტეტის ტერიტორიაზე	მუნიციპალურ საკუთრებაში არსებული ელექტრო ბოძები		